



FACULTY	EDUCATION AND HUMAN SCIENCES		
DEPARTMENT	INTERMEDIATE AND VOCATIONAL EDUCATION		
SUBJECT	OSHIKWANYAMA LANGUAGE EDUCATION 3A		
SUBJECT CODE	E3771IW		
DATE	JUN/JUL 2026		
DURATION	3 HOURS	MARKS	100

JUNE/JULY EXAMINATION, 2nd OPPORTUNITY PAPER

Examiners: V.M. Ndundu & M. N. Hanghuwo

Moderator: Ms SL Noa

This Question Paper consists of **5 pages** including this cover page.

Instructions

1. You must answer all the questions
2. Number your questions correctly.
3. Write neatly and legibly.
4. Be reminded that cheating in the examination can result in a failing grade.

UNIVERSITY OF NAMIBIA EXAMINATIONS

Oshitukulwa sha-A

Ounyuni nau ku tetekele, inau ku xuuninwa

Moshitukulwahoololelwa Oshikoto, omwa li **okatwi koilya** kanini kedina Elara/ Kandileshe, ke li lela pomido dopehovelolo **lounashiefenge**. Oka li **taka nane nonhatu** ngeenge tashi ya pokulesha, inaka mona hewa eemhito dokulihafifa osho yo okuhokolola omahokololo pamwe nounona vakwao monghalamwenyo yako. Mofikola Elara/Kandileshe namo ka li unene ha pondola sha, ashike pakwafelo lainakulu, oukwatya waye wokulesha owa enda nokulunduluka, a dja **komuleshi mwii ha toola eendada** nokuninga omunyanyamaulu e na omukumo, nomuhokololi womahokololo taa nyuwifa omatwi. Ounghulungu waye wokulesha owa nawapala, neudeko laye moinyolwa ya yoolokafana ola nyenyepala shokambeleda kokangulwena ka yofelwa ovaenda va fimana mefundula. Ashishe eshi osha ningwa paendodo da yoolokafana, ngaashi tadi shikula:

Ondodo yokukendabala yopehovelolo:

Elara/Kamulesha okakadona taka monika ka nhuka po nawa, ashike ope na shimwe she ka manga, oke lihanga taka nane nonhatu mokulesha, noke likaleka kokule nomambo, ngaashi taka dulu. Oka li ka teka omukumo, unene tuu ngeenge ka shakeneke oitya ipe oyo inaka leshe nale. Nonande, oopita a ndjena vako ove li natango momwenyo, ova nyengwa okumona ounghundi waye, nova dopa lela okumona omukalo dingi oo ve na okulongifa, opo ve mu ete kondjila. Onghalo ei oya ninga ondudu ya kula kombada yomitwe davo, noya eta engwangwano neliudo lii molukalwa lavo.

Ondodo yelidopemo:

Elara/Kandileshe okwa li e na inakulu weshiivo kamana, nomuholi womahokololo, unene tuu oo a shangwa. Inakulu okwa li a koneka ondjungu nomaano okatekulu, okwa tokola, opo a kufe onghatu ya shikula ko. Okwa hovelola okuleshela Elara/Kandileshe mokule, ta hoolola omambo nouhokololo ovo ve na elaka la fingala nawa, nova shangwa noukeka. Oha kufa mo nee ovakufimbinga/ eenghalolupe nokuxwaxwameka omadiladilo nehala lokulesha laElara/Kandileshe, te mu twala komaunyuni ina enda ko nale, noku mu tula meenghaku daavo tava dana onghandangala momahokololo.

Konima inakulu oha tu nee Elara/Kandileshe omukumo, opo a hokololulule okahokololo noitya yaye mwene. Eshi oshe mu kwafelea mokwoongela olupunaitya nokunawapeka omufenu waye wokulesha.

Ondodo yelunduluko/yenawapalo:

Elara/Kandileshe okwa tameka e na ohokwe mokulesha omahokololo a yoolokafana, nokulihonga omaludi oitya nomitungilo delaka, oshe mu kwafela mokutumbula oitya mondjila nokuuda ko oitya. ipe nosho yo okuuda ko omalityo oitya noshikalimo shomahokololo.

Okwa hovelola nokuli okuhafela pamwe nounona vakwao nokwa fuuka koukwatya aushe wokulesha, nokwe shi tala ko kutya kashi fi vali oshilonga, ndele osho onghatu yokuya mounyuni upe nomonhalelo yoinima ya holekwa.

Pakwafelo lainakulu le liteelela nola ngungumana, okulesha kwaElara/Kandileshe okwa lunduluka pamukaloshinyandwa, nosha xumifa komesho ohole nohokwe yaye yokulesha omahokololo monghalamwenyo yaye aishe.

Oshikalimo shokahokololo otashi tu pe efimano nondjudo yokulesha omahokololo. Olweendonghalamwenyo laElara/Kandileshe otali tu pe nhumbi hatu nawapaleke eshiivo letu lokulesha neudeko. Ekufombinga mokulesha omahokololo, otaku xumifa komesho oupunaitya, okunawapaleka onhapo, omufenu wokulesha notashi tu hongo okudiladila moule ile noukeka, kombinga younyuni omo tu li.

Okahokololo kaElara/Kandileshe otake tu dimbulukifa kutya okulesha kaku shi ashike okutumbula oitya mondjila, ndele oku tu kwatakanifa nomaunongo mape, omaliudo mape nosho yo omashiivo mape meenghalamwenyo detu.

Odjo: Study.com <https://study.com>

Oshitukulwa sha-A

Epulo 1

1.1 Fatulula eeterme tadi shikula apa (oilukoitya):

- (a) Okulesha
- (b) Omufindalandu
- (c) Omufindahongo
- (d) Omutumbulilo woitya
- (e) Omushangelo wa dindwa
- (f) Omushangelo inau dindwa
- (g) Omufenu wokulesha (14)

1.2 Pakwafo lokahokololo, tumbula nokufatulula pauxupi, **efimano lokulesha** omahokololo. Shi ninga noitwa **ihamano**. (12)

1.3 Pakwafelo lokahokololo, ngonga eendodo **nhatu** dokulesha odo da holoka mokahokololo. (9)

1.4 Fatulula pauxupi omaupyakadi **atano** haa hange omuhongi, ngeenge ta hongo

ovahongwa okulesha. Longifa ounghulungu woye wopaumwene tau yambididwa keshiivo loye laashi wa li nale momalideulo.

1.5 Noitwa **itano**, yelifa pauxupi oukwatya womuleshi a pyokoka nawa. (10)

[55]

Oshitukulwa sha-B

Epulo 2

- 2.1 Tumbula eemodela mbali dexumifokomesho lokulesha, ndele to di fatulula. (4)
- 2.2 Oitumbula tai shikula oya dja mokahokololo, i fatululila ovahongwa voye we likwatelela konghalo omo ya longifilwa mokaleshwa komepulo 1.
- (a) okatwi koilya
 - (b) lounashiefenge
 - (c) komuleshi mwii, ha toola eendada
 - (d) taka nane nonhatu mokulesha (8)
- 2.3 Fatulula omikalohongo **nhatu** doinyangadalwa yokulesha tadi shikula, ndele to dutu po epulo limwe alike kukeshe shimwe. Shi ninga to longifa oshikalimo shokahokololo wa lesa mepulo 1.
- (a) okulesha moukumwe
 - (b) okulesha wa kwatelwa komesho komunawino mokulesha
 - (c) okulesha pamapando (6)
- 2.4 Pauxupi, fatulula omutungilo wokahokololo wa dja nokulesha, ndele to popi oludi lodjo ya longifwa. (8)
- 2.5 Likwatelela kokahokololo u yelifi nhumbi onghalafano neenghulunghedi da longifwa mo. (3)

[29]

Oshitukulwa sha-C

Epulo 3

- 3.1 Duta po oshinyangadalwa **shimwe** koludi keshe lokulesha, osho tashi dula okulongifwa mokuhonga omaludi okulesha taa shikula, ndele to i yandjele omemo.
- (a) Okulesha meendelelo
 - (b) Okulesha to tondokifa omesho
 - (c) Okulesha neudeko lomoule
 - (d) Okulesha nelalakano lokulihafifa (8)
- 3.2 Longifa okahokololo komepulo 1, ndele to dutu po epulo limwe kukeshe ondodo yaBloom tai shikula, epulo keshe li yandjela enyamukulo:
- (a) Epulo lokutengeneka (2)

(b) Epulo lokukonakona ongushu yokahokololo. (2)

3.3 Yelifa paxupi nhumbi to ka kandula po ounghundi wovahongwa wokulesha tau dulu okuetifwa komaupyakadi taa shikula:

(a) oupyakadi womesho ihaa mono ko nawa (2)

(b) oupyakadi wopamadiladilo. (2)

[16]

Oitwa aishe kumwe:

{100}